

BOSNA I HERCEGOVINA
Federacija Bosne i Hercegovine
Kanton Sarajevo
OPĆINSKI SUD U SARAJEVU
Broj: 65 0 P 096188 09 P

ZAPISNIK

o ročištu povodom imenovanja predsjednika arbitraže održanom dana 8.6.2009.

SUDIJA: Emina Tahirović

ZAPISNIČAR: Suada Muslić

PREDLAGATELJ: Sindikat Univerziteta u Sarajevu

PROTIVNIK PREDLAGATELJA: Vlada Kantona Sarajevo

RADI: imenovanja predsjednika arbitraže

Po oglašavanju u pravnoj stvari u 14,30 sati pristupili:

Za predlagatelja : Belko Zečević predsjednik sindikata Univerziteta

Za protivnika predlagatelja: Almir Mašala, pomoćnik ministra za visoko obrazovanje, punomoć ministra predaje u spis i Munira Hajdarević zamjenica kantonalnog pravobranioca

Dr.Zdravko Grebo pristupio

Najprije je sudija upoznala i predstavnika Ministarstva obrazovanja i nauke Kantona Sarajevo sa obavezama odnosno ovlaštenjima suda u konkretnoj pravnoj stvari, upoznala sa sadržajem konkretnih odredaba Zakona o štrajku F BiH, odnosno čl. 5. koji reguliše obavezu suda da u slučaju ne mogućnosti sporazumijevanja poslodavca i sindikata, na inicijativu stranaka, odnosno prijedlog imenuje predsjednika arbitraže koja će odrediti, odnosno čija odluka će zamijeniti sporazum iz čl. 5. stav 2. Zakona o štrajku.

Otvara se ročište povodom imenovanja predsjednika arbitraže.

Punomoćnik predlagatelja, predsjednik sindikata izjavljuje da ostaje kod prijedloga da sud odredi predsjednika arbitraže i to u osobi prof.dr. Zdravko Grebo.

Punomoćnik protivnika izjavljuje da nije dobio stav koji bi upućivao na to da se predloženi ne imenuje za predsjednika arbitraže.

Zastupnica Kantonalnog ministarstva obrazovanja i nauke, odnosno Kantona Sarajevo, izjavljuje da od ministarstva nije dobila bilo kakve upute u vezi sa prijedlogom za imenovanje predsjednika, pa ovaj prijedlog ostavlja sudu na ocjenu.

Predloženi predsjednik izjavljuje da ipak i u današnjem sastavu i dalje smatra da predstavnik poslodavca, kako Zakon o štrajku reguliše zapravo nije prisutan. Smatra da u nedostatku, odnosno kod činjenice ne postojanja granskog kolektivnog ugovora Vlada K.S. ima ulogu osnivača, ali ne i poslodavca. Ovo posebno zbog činjenice da Univerzitet u Sarajevu još uvijek nije integriran u Univerzitet u kome će njegove članice izgubiti status pravnog subjekta. Osim toga nejasno mu je da li je sindikat do sada proveo

proceduru kako Zakon o štrajku reguliše, misli na postupak mirenja, o tome saznanja nema.

Predstavnik predlagatelja izjavljuje da je kod Ministarstva pravde K.S., saglasno Zakonu o udruženjima građana registrovan samo sindikat Univerziteta u Sarajevu, dok sindikalne ćelije odnosno organizacije po fakultetima pojedinačno nisu registrovane. Odatle i inicijativa upravo ovog sindikata da organizuje štrajk u 17 članica Univerziteta koje su i članice sindikata. Nadalje pojašnjava da je sindikat zaista pokušao mirenje, o svemu u spisu, štrajk je najavljen 7.5.2009. i toga dana je i ministarstvo obaviješteno o tome.

Također 15.5.2009. održan je sastanak predstavnika sindikata Univerziteta i sindikalnog odjela Sindikata Prirodno – matematičkog fakulteta sa premijerom Kantona, ministrom obrazovanja, pomoćnikom ministra za visoko obrazovanje i nauku, Almirom Mašala u kabinetu premijera, kad je dogovorenod da Vlada Kantona na svojoj sjednici formira tim za pregovore sa sindikatom, a sve u cilju izrade kolektivnog ugovora.

Punomoćnik ministra obrazovanja dodaje da je na sjednici Vlade Kantona, po njegovim saznanjima, o tome svjedoči zaključak koji premijer još uvijek istina nije potpisao, donesena odluka kojom je prihvaćena inicijativa samostalnog sindikata visokog obrazovanja za izradu teksta kolektivnog ugovora za djelatnost visokog obrazovanja u Kantonu, data saglasnost ministru da u ime poslodavca provede aktivnosti neophodne za izradu teksta izmjena i dopuna ovog kolektivnog ugovora, te da formira ministarstvo za obrazovanja i nauke tim za pregovore u čijem sastavu će biti članovi Ministarstva pravde, Ministarstva za rad i Ministarstva finansija, a kako bi nacrt kolektivnog ugovora Vladi mogao biti dostavljen do početka oktobra 2009.

Ponovno predstavnik sindikata Univerziteta dodaje da navedeni zaključak Vlade ponovno ne znači ništa jer je prihvaćena inicijativa samostalnog sindikata visokog obrazovanja za izradu teksta granskog ugovora, a ne inicijativa sindikata univerziteta u Sarajevu, iako se upravo taj sindikat ovdje predlagatelj sa desetinama mejlova, pisama obraćao i ministru i premijeru tražeći formiranje tima za izradu kolektivnog ugovora. Ponovno ukazuje da je ovo jedini način da se sačuva, kako je rekao dignitet Univerziteta. Na upit sudije je dodao da upravo Vladu Kantona smatra poslodavcem iz razloga što niti jedan čovjek ne može biti primljen u radni odnos na bilo koji fakultet Univerziteta, a bez saglasnosti ministarstva.

Sud donosi

RJEŠENJE

Čita se dopis upućen medijima 7.5.2009., 6.5.2009., dopis upućen Vladi K.S. 7.5.2009. i dostavljen, kao i ministarstva obrazovanja isti dan, te predsjedavajućem Skupštine K.S., dopis upućen Rektoru 11.5.2009., obavještenje MUP K.S. od 11.5.2009., dopis upućen Vladi K.S. isti dan Ministarstvu obrazovanja i nauke, Univerzitetu – Rektoru, 15.5.2009. Vladi K.S., te 25.5.2009. Vladi Kantona, zapisnik od 15.5.2009. dopis upućen 20.5.2009. Vladi K.S., te nepotpisan zaključak Vlade K.S. od 5.6.2009.

Stranke nemaju primjedbi na pročitano.

Također stranke ne osporavaju vjerodostojnost neovjerenih zapisnika i zaključka koji se u spisu nalaze.

Sud donosi

RJEŠENJE

Ročište zakazano povodom imenovanja predsjednika arbitraže je završeno.

Odluku o prijedlogu za imenovanje predsjednika arbitraže sud će donijeti u naredna 24 sata, pa se stranke obavještavaju da 9.6.2009. u 15,00 sati u pisarni ovog suda mogu preuzeti odluku.

ZAPISNIČAR

SUDIJA

SPIS U ROČ:
SPIS U EV.

DOVRŠENO